

آبونه شماره اٹلی

ممالك عثمانیه ده سنه لکی (۶۵)، آتی
آیلمی (۳۵) غروشدور .
ممالك اجنبیه ده سنه لکی (۱۷)، آتی
آیلمی (۹) فرانقادر .

اداره خانه

باب عالی جاده سنده دائره مخصوصه

اخطارات

آبونه بدلی پشیدور

مسلكه موافق آثار مع الممنونیه قبول
اولنور . درج ایدله یں یازیلر اعاده
اولونماز .

الکشاف

سیر ۱۳۳۰

دینی، فلسفی، علمی، ادبی هفته لقی مجموعه اسلامیه در .

والله یهدی من یشاء الی صراط مستقیم

باش محرر
محمد عاکف

صاحب و مدیر
ع . اشرف ادیب

بمعون اهدکم سبیل الرشاد

اخطارات
رساله مزدن آلندیفی کوسترلک
شرطیله بتون یازیلر هر هانکی
بر غزته طرفندن اقتباس اولونه بیلدر .
§
مکتوبلرک امضالری واضح
و او قوناقلی اولسی و آبونه صره
نومروسنی محتوی بولونسی لازمدور .
§
ممالك اجنبیه ایچون آبونه اولانلرک
آدرس لرینک فرانسیزجه ده یازاسی
رجا اولنور .
§
پاره کوندرلدیکی زمان نه یه دایر اولد
یغناک و اضعا بیلدیرلمسی رجا اولنور .

برقادرین در . او، آشیان ابدیسی امتک صاف و درخشان قلبنده تأسیس
ایتمش بر والدہ در . عایشہ ، او بویوک مسلمان قادینی دھرك اك كوكل
اینجیدن کدرلرینه معروض قالمش؛ کتاب حیاتی امتک کوز یاشلریله
یازمش ؛ مقبوس ملتیزی ، ملیت اسلامیہ مزنی کنجلیکک ساز
درونیله ترنم ایتمش الهی بر شاعرہ در . روح ایلہ و بوتون بنم کبی
قرآندن ، عشق محمدیدن فیض آلان روحلر ایلہ اورو کزین
آرمسندہ ازلی بر آشنالقی ، لایترزل بر رابطہ واردر . اوندہ کی بوتون
محاسن ، قدسیت لاهوتیه نك اکل کالندن مقبوسدر . اونک روحنه
شعلہلر صاچان نور ، نور الهی در . بونوردن بی نصیب و محروم یبانهچی
روحلرله بر مسلمان روحی آرمسندہ بالطبع هیچ بر آشنالقی ، هیچ
بر صمیمیت اوله ماز . ملتک روحیله هم آھنک اولمایان اوقیل بی نصیبلرک
دیللرندن ، قلملرندن دوکولن لکھلر کندنی اتکلیری بولاشدیر مقندن
باشقه هیچ برقیمته مالک دکلدردر . مسلمان قادینی اودرک سوزلرنده
نور ایمان ، ناصیه سندہ ادب اسلام منجلی اولور . هر حلی ، هر وضعی
عفتک تمثالنی تجسیم ایدر . حضور عصمتندہ بوتون روحلر ، قلبلر
حرمتدن ، تقدیسدن باشقه بر حسلہ متحس اولماز .

ایشته عایشہ ، دیار مصرک بو بویوک شاعرہ سی مسلمان
قادینلنک بر انموذج کمال و محاسنی در . ادیب کچین نیجه قادینلر
واردرک اونک حضور عصمتندہ ، حضور ادب و علمندہ شق شفه
ایتمیه بیله مقتدر اوله مازلر . غیر مؤمن محیطلردن طویلانان اوج
بش کله بی بر آره یه کتیرمکله کندنی برشی ظن ایدنلر بو بویوک روحی
تابع ایتمی ده پر مسلمان قادینندہ منجلی اولان فضائل و محاسنی ،
افکار عالیہ و منورہ نی کورملی در .

بز دائماً بو محترم والدہ مصرک حضور فضیلتندن اقتباس فیوض ایتمیه
جانہ منت بیلیردک . هر نه زمان اونک نشیدہ ایمانی دیکله سهک روحز
الهی بروجد ایچنده چالقسانیردی . او ، بزه نلردن بحث ایتمزدی .
بوتون دردلر مزنی بیلیردی . بعضاً لطیف بر شعر ایلہ روحزه بر
سلسیل نور دوکر ، بزنی مست ایدردی . بعضاً ده اک غامض مسائلک
قارا کلقلرینه نور جوال دکاسنی انفاذ ایدرک اک بلند حقیقتلرک نقاب
مظلمنی بیرتار ، بزنی ارشاد ایدردی .

بر کون آرقداشلردن بری مستوریت علیهنده اوزون بر بحث
آچدی . عائشه سوکنه قدر دیکله دی . فقط جوابی تقدیر مسکت ایدی .
بزه « بیدالعفاف أصون عز حجابی = بن عفافک سطوتیله عزت حجابی
صیانت ایدرم » مصراعیله باشلایان بر بدیعه غرای اوقودی . تقدیر آتمزی
رفقادن برینک بر مناسبت طولایسیله « ملیت » بحثنه کیریشیمی آنجق
طور دیر بیلدی . « ایمان ملی » مسأله سی موضوع بحث اولونجه عائشه
بزه « ایمانک » فلسفه سی نه قدر واضح تلقین ایتمدی :

اتحاد اسلامی تأسیس ایتمک و آثار فعلیه سی کوسترمک بوکون هر زماندن
زیاده فرضدر . چونکه بوکون عیان بیان ظاهر اولدی که عالم مدینت
دیدیکر عالم نصرانیت ممالک عثمانیه ده بر حکومت مشروطه تأسیسندن هیچ
ممنون اولدی .

ینه بوکون عیان بیان ظاهر اولدی که عالم نصرانیت بیک درلو حیل و دسیاسله ،
پایه مدینت و انسانیت شریترلرله مسلمانلارک آرمسندہ دینی مهمل برحاله کتیرمکه ،
دین ایلہ سیاست آیریدر دیه وک مسلمانلاری تسمیحه چالیشور .

ینه بوکون عیان بیان ظاهر اولدی که عالم نصرانیت مسلمانلارک آرمسندہ
قومیت و جنسیت لی زویراتله ظاهرده جمعیت اسلامییه مذسوب مناقبینی آلت
ایده وک تفرقه صوفقه چالیشور .

دین اسلام یالکز آخرته متعلق بر طاقم نصایحندن عبارت اولیوب اجتماعاتله
سیاسیات دخی دینده داخلدر . بوندن طولای (دین و ملت ایکلیسی بر در)
سوزی اسلامده اصل الاصول سیاستدر .

دینک سیاسیاتده بی طرف قلمسی لزومی ادعا ایدنلره شوراده فیلسوف
زمان تولستویک اسلاو قونفره سنه یازدینی مکتوبی نقل ایدرم . تولستوی
اقوامک اتحاد و امتزاجنه خدمت ایدمک اولان اتحاد اسلام قونفره سی تبریک
ایتمکدن صکره دیورکه : « نیجه بدیریتک سکون و استراحتنی تأمین ایدمک
اولان یگانه اتحاد ، اتحاد دیندر . »

ازمیر معونی

عیدالله

تعارف اسلام

مصرک بویوک شاعری : عائشه

— شاعر داهی عبدالحق حامد بکه —

نیل وادیسنک ، میلیونلرجه اسارتزده مسلمانلارک کانلی کوز
یاشلرینی دریالره ، دریالرک خونین امواجیله دار الخلافه قابولرینه نقل
ایدن اونهر مبارکک کوموش قدر صاف ، اینجی قدر پارلاق قوملی
ساحللرندہ ؛ مظلوم اولادینک فغانلرینی لایققطع ولوله لرله کوکاره
ایصال ایدن خورما آغاچلرینک اوزون کولکھلری آلتندہ ؛ عصمت
کفنه بورونمش یاتان ناله کمنان روحنک ماتمی شهقه لرله ترتیل
ابتدیکی آیات حربت هر شفق بنی غشی ایدر ؛ نیلک منور خاطراتیله
هجرازده قلبی کاه اوزون اوزون آغلایر ، کاه پیش خیالنه مستقبلک
نورلی افقلرینی آچهرق کولدورور . زمان اولورکه روحم بوتون
علائقندن صیریلهرق لایتنهای بر فسحت ایچنده طیران ایدر ؛ اووقت
لسانم ابکمدر . زمان اولورکه قنادلرم بر ضربه ایلہ مجروح اولور ؛
کندمی طور اقلارده کورورم ؛ اووقت بوتون موجودیتیم فریاد ایتمک
ایستر ، کتاب حیاتم بوتون صحائف کدر و سروریلہ قارشیمده تجلی
ایدر ، منکشف اولور . اوندن بریا پراق قوباریر ، جریحه می صارارم .

عایشہ ، نیلک اوابد قرین شاعرہ سی نه بویوک بر روحدر . او ،
اک بوکسک قادینلق فضیلتلرینی اک علوی معناسیله تمثیل ایدن سہایه

« عدالتدن قالیر بشر خوشنود »

ایشته بوعدالت ؛ عدالت اسلامیه در که اونی انجق اسلام ایمانی طاشیانار اجرا ایده بیلیر . استقبالک روحی اودر .

حامدینه اومعظم ، وقور سسیله بزه بک بیوک امیدلر ویریور . « دیانتیمزک محض ملیت » اوله رق طانیله جغنی ، مسلمانلرک « فضای شریعتده » طولانیله جغنی ، « شریعتیمزک محض سیاست » اوله رق آ کلاسیله جغنی بو شعر مخلدنده سویلیور .

بالماسبه سویلیه یمکه حامد بوشعریله دنیانک (کندیسی داخل اولدینی حالده) اک بیوک شاعرلرینک اک بدیع مله مانی اوزرینه بر آفتاب مشعشع کبی پارلایان وداثما پارلایه جق بر تاج درخشان قومشدر .

ایشته ملت ووطن سوکیسنک اک روحپور نورلرینی ، اک مهیج آتشلرینی پارلادان ایمانک وجدان انسانده ، وجدان بشریتده کی موقی ... ایشته اسلام ایمان ملیسنک بشریت ایچون حاضر لادینی اتحاد عام ، مساوات عامه سلامت ، عامه بودر ... »

بن وبتون آرقداشلرم بو نشیده ایمانی بک متیج بر حالت روحیه ایچنده دیکلیور ایدک . محترم والده مز صوک سوزنی پتیریورکن بیکران ودرین تفکرانه طالمش ، هر درلو اندیشه و توسوسات سیاسیهدن قورتولش ، اتحاد اسلامک ، او مستقیل سعادت بشریه نی بتون عالمه سربیه جک معظم قورتاریجی قوتک عاجز بر جزء لای تجزای اصفری اولمش ایدک . بوکون او محترم والده مز علوی فکرلرینی نقل ایدیورکن حامد بک حسیات تعظیمکارانه می ، بک افیدی حضرتلرینه ده تقدیم ایدیورم . مصرلی

عمر رضا

اسلام عسکرینه :

اطاعت

عمرو بن العاصک قوماندانلنی و معیتنک کندیسه درجه اطاعتی سکرنجی سنه هجریه جمادی الاخره سی ایچنده ایدی که (بلی) و (عذره) ده نیلن قبائل خلقتدن بعضلری ، مدینه منوره یه باصقین یایمق اوزره (وادی القری) نک آرقه طرفنده طویلا نیورلر مش دییه ایشیدیلدی . رسول اکرم صلی الله علیه وسلم افندیمر حضرتلری ، مهاجرین و انصاردن مرکب بر مفرزه ترتیب ایله دی ، قوماندانلغنه ده عمرو بن العاصی تعیین ایله بوقبائل اوزره دینه سوق ایتدی .

عمرو بن العاصک قوماندان تعیین ایدیلشده بعض سبیلر واردی . از جمله : بونک بویوک آناسی (بلی) قبیله سسندن اولدینی جهته بک صلیحاً ایش کوره بیلیردی . صوکر اعمرو ، عسکرلکی بیلدیکی کبی ضابطلکی ده سه ویدیکی جهته بر مفرزه باشنده بولوندینی تقدیرده هم موفقیت کوسته رمش ، هم ده کوکلی خوش ایدیلش اولاجقدی .

مفرزه ، حرکت ایتدی و کوندوز صاقلانوب کیجه یورومک شرطیله دشمنه یاقلاشدی .

عمرو ، دشمنک چوقاغنی کورونجه مدینه یه بر آدم کوندوروب

« ایمانک نوری ، روحی ، دیدی - سوکیدر . انسان الهی سودیکندن پرستش ایدر . وطنی سودیکندن عاشق اولور ، ملتیی سودیکندن خادم اولور . بونلر کعبه انوار محبتدر . بونلردن بریسی سونوک اولور ایسه دیکرلری ده احتضار وافول ایدر . حقیقی برملیپرور ، حقیقی برحقپرست ، حقیقی بر وطنپرستدر . ملحد برملیپرور تصور ایتهم . چونکه اونک معنوی انوار ایمانی صاران ، بربرینه مزج ایدن روح توحیددن محرومدر . بویله جه اومعنویت اولور . شاعریمزک « اک بیوک ملحد ، کوزه لکک ، عفتک اک بیوک دشمنیدر » دیمه سی بک طوغرودر . چونکه نزاهت وعفت اوزرینه مؤسس اولمیان بر محبت جنایتدر ، خیانتدر .

عظمت الهیه نک مجذوبی اولمیان ، اونوردن محروم اولان « ایمان » ی وطن و ملیت قدسیتی نورلندیره مز . اللهک عشق ایله سوزان و آبادان اولمیان بر یوره ک هیچ بر وقت قدرة اللهک آثار رحمتی کوره مز ، حس ایدمه مز . او یله بر یوره ک صاحبی جنوار انساندر ؛ خائن دین ، خائن ملت ، خائن وطندر . اومت ملیت دین ایله توأمدر . ده ها طوغروسی ملیت دیندر ، و ملیتمز دین اولمالیدر . چونکه بزى بهیمیتدن انسانیت ، ظلمتدن نوره ، تفرد و تمرددن جمعیت و انسیت ، وحشتدن مدینته یوکسلدهن دینزددر . بز اونک قوت غالبانه سی ایله یوکسلدک . نه وقت او قوتی الدن چیقاردق ، وجداندن چالیدردق ایسه تدنی یه طوغری یوارلاندق . دینمز « رحمة للعالمین » در . بز او رحمتی تشمیل ایتک ایچون جهاد ایتدیکمز زمان تاریختک اک لایموت صحیفه لرینی اشغال ایتدک . غایه مز ، سرتسر عالمده اعلاى کلمه الله ایدی ، اوت بتون عالمی بر ملیت واحده ایله امن و اطمینان ایچنده یاشاتمق ایدی . بیلیم حریت و مساوات عامه دیه کیجه کوندوز باغیران چاغیران بودالار دینزدن ده اسیوک ازلی بر قانون ؛ الهی بر دستور بوله بیلیرلری ؛ صلح عمومی و انانی حرب دیه وقت کچیره ن دلیلر اوندن ده ا رصین بر بنای اخوت انسانیه کشف ایده بیلیرلری ؟ خایر ! خایر ! بن قرآنک اعجازینی اکثریا بوراده کورپورم . « انما المؤمنون اخوة » قانون قطعی واجب الامتثالک بتون عالم ایچون وعد ایتدیکی نعمتلر نظر مده حال حاضر ی کورنجه جانلانیر .

باقکنز : امراض مزى ، ادویه مزى ، استقبال مزى ، و استقبال عالمی داهیانیه براعجاز ایله اون درت بیت ایچنه صیغدیران داهی اعظم عبدالحق حامد بک بوکونکی عالم اسلامک پریشا نلغنی « هالاک ظلمتلره غرق اولمسی » دیه توصیف ایدیور . او ظلمتک ، او هالاک نه اولدینغی درین درین دوشونسه ک داهی شاعرک مرانی اکلا یه بیلیرز . اومت ظلمت بزم ظلمت ایمانمز ، هلال ایسه اونک نوریدر . ایشته درد ، ایشته دوا . فقط

« دلال سبت سادن ایدنجه رفع ظلام »

بک معظم بر نتیجه ، بتون بشریتی مشمول رفاهیت ایده جک بر نتیجه ، بتون قیلملرک سرتسر عالمک تنی ایتدیکی ، آرادینی و بوله مدینی نتیجه ، اومت اوکون